

სამახსოვრო ინსტრუქცია

საუბნო საარჩევნო კომისიის თავმჯდომარის
უფლებამოსილებანი კენჭისყრის დღეს

სამახსოვრო ინსტრუქცია განკუთვნილია იმ საარჩევნო
უბნებისთვის, სადაც კენჭისყრა ელექტრონული
საშუალებების გამოყენების გარეშე ტარდება

2026 წლის 3 ოქტომბრის შუალედური არჩევნები

წინამდებარე რესურსი მომზადებულია საქართველოს ცენტრალური საარჩევნო კომისიის და სსიპ საარჩევნო სისტემების განვითარების, რეფორმებისა და სწავლების ცენტრის მიერ.

დოკუმენტი წარმოადგენს დამხმარე რესურსს და მიზნად ისახავს ხელი შეუწყოს კომისიის თავმჯდომარეს, კენჭისყრის დღეს, საქმიანობა წარმართოს ორგანიზებულად და თანმიმდევრულად.

საუბნო საარჩევნო კომისიის თავმჯდომარის უფლებამოსილებებისა და საქმიანობის წესთან დაკავშირებული საკანონმდებლო რეგულაციების სრული სახით გაცნობის მიზნით, იხილეთ საქართველოს ორგანული კანონი „საქართველოს საარჩევნო კოდექსი“, ცესკოს 2026 წლის 14 აგვისტოს N44/2026 დადგენილება „თვითმმართველი თემების – წალკის, დმანისის და ახმეტის მუნიციპალიტეტების საკრებულოების 2026 წლის 3 ოქტომბრის შუალედური არჩევნებისთვის საუბნო საარჩევნო კომისიის წევრთა სახელმძღვანელო ინსტრუქციის დამტკიცების თაობაზე“.

თემატური სარჩევი

01	როგორ მოვემზადოთ კენჭისყრის პროცესის დასაწყებად	2
02	როგორ ვმართოთ კენჭისყრის პროცესში წარმოშობილი რისკები	12
03	როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს	19
04	კენჭისყრის პროცესის მიმდინარეობისას როგორ და რა პერიოდულობით აღვრიცხოთ კენჭისყრაში მონაწილე ამომრჩეველთა რაოდენობა (ამომრჩეველთა აქტივობა)	22
05	როგორ მოვემზადოთ კენჭისყრის შედეგების შეჯამების პროცესისთვის	26
06	რა უნდა გავითვალისწინოთ კენჭისყრის შედეგების შემაჯამებელ ოქმთან მიმართებით	39
07	როგორ უზრუნველყოთ საარჩევნო დოკუმენტაციის და სხვა ინვენტარის გადაბარება საოლქო საარჩევნო კომისიისთვის	44

ყურადღება!

სამახსოვრო ინსტრუქციაში განწერილი აქტივობების შესრულების პარალელურად, კენჭისყრის შენობაში ყოფნის უფლების მქონე პირებისთვის, ხმამაღლა გააუღერეთ თქვენ მიერ განსახორციელებელი პროცედურა.

01

როგორ მოვემზადოთ კენჭისყრის პროცესის დასაწყებად

საარჩევნო უბნის გახსნიდან კენჭისყრის დაწყებამდე (06:45 საათიდან 08:00 საათამდე) ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ უბნის გახსნა და საოლქო საარჩევნო კომისიის ინფორმირება;
- ✓ სააკრედიტაციო მოწმობების შემოწმება კენჭისყრის შენობაში ყოფნის უფლების მქონე პირების უბანზე დასაშვებად, ჩანაწერთა წიგნში რეგისტრაციის უზრუნველყოფა;
- ✓ კომისიის წევრებს შორის ფუნქციების განაწილების შედეგების ასახვა ჩანაწერთა წიგნში;
- ✓ მონაცემების გამოცხადება (მიღებული საარჩევნო ბიულეტენების, სპეციალური კონვერტებისა და ყველა სახის სიაში რეგისტრირებული ამომრჩევლების რაოდენობა);
- ✓ საკონტროლო ფურცლის შევსება;
- ✓ საუბნო საარჩევნო კომისიის წევრებისთვის ფუნქციის შესაბამისად მასალების გადაცემა.
- ✓ კენჭისყრის დაწყების შესახებ ინფორმაციის გადაცემა ზემდგომი კომისიებისთვის.

06:45 საათიდან 08:00 საათამდე ჩასატარებელი პროცედურების განხორციელებისთვის იხელმძღვანელებს ქვემოთ მოცემული დეტალური აღწერით.

06:45 საათიდან 08:00 საათამდე ჩასატარებელი ძირითადი აქტივობების დეტალური აღწერა

ყურადღება! - საარჩევნო უბნის გახსნამდე, დაცვის პოლიციისგან, მიღება-ჩაბარების აქტის საფუძველზე, გადაიბარეთ კენჭისყრის ოთახში დაცული პლანშეტი, საარჩევნო დოკუმენტაცია და ინვენტარი.

- 06:45 საათზე გახსენით საარჩევნო უბანი, ტელეფონით შეატყობინეთ საოლქო საარჩევნო კომისიას საარჩევნო უბნის გახსნისა და კომისიის წევრთა კვორუმის თაობაზე.

ყურადღება! იმ შემთხვევაში, თუ საარჩევნო უბნის გახსნისას საუბნო საარჩევნო კომისიის წევრთა რაოდენობა 9-ზე ნაკლები აღმოჩნდა, კომისია ავტომატურად გარდაიქმნება სპეციალურ ჯგუფად, ინფორმაცია დაუყოვნებლივ მიეწოდება საოლქო საარჩევნო კომისიას.

სპეციალური ჯგუფი უფლებამოსილია ჩაატაროს კენჭისყრა. ამ მიზნით, სპეციალური ჯგუფის წევრებს წილისყრის გარეშე მიანიჭეთ შესაბამისი ფუნქციები.


თუ სპეციალური ჯგუფის არსებული შემადგენლობა ვერ უზრუნველყოფს კენჭისყრის ჩატარებას, შესაბამისი საოლქო საარჩევნო კომისია დაუყოვნებლივ შეიკრიბება და განკარგულებით სპეციალური ჯგუფის არსებულ შემადგენლობას დაამატებს იმდენ წევრს, რამდენიც უზრუნველყოფს კენჭისყრის ჩატარებას.

თუ სპეციალურ ჯგუფს არ ჰყავს სპეციალური ჯგუფის მდივანი, ან/და მას არ შეუძლია მოვალეობების შესრულება, სპეციალური ჯგუფი საოლქო საარჩევნო კომისიის მიერ არჩეულ წევრთაგან დაუყოვნებლივ ირჩევს სპეციალური ჯგუფის მდივანს. სპეციალური ჯგუფის კვორუმად განისაზღვრება მისი არსებული შემადგენლობის უმრავლესობა.

- გადაეცით კომისიის მდივანს ჩანაწერთა წიგნი.


- გაააქტიურეთ პლანშეტში ჩატვირთული ცესკოს აპლიკაცია.

სქემა N1 - პლანშეტში ჩატვირთული ცესკოს აპლიკაციის გააქტიურების პროცესის ილუსტრაცია.



{ I }

პლანშეტში ჩატვირთული ცესკოს აპლიკაცია გააქტიურეთ ხატულაზე დაჭერით.



{ II }


გაიარეთ ავტორიზაცია. ამ მიზნით შესაბამის ველებში შეიყვანეთ სიმბარათის ნომერი, საარჩევნო უბნის ნომერი და დააჭირეთ ღილაკს „კოდის გაგზავნა“.

{ III }

მოკლე ტექსტური
შეტყობინებით მიღებული
კოდი შეიყვანეთ ველში
„ერთჯერადი კოდი“ და
დააჭირეთ ღილაკს
„შესვლა“.


- შემომწმეთ კენჭისყრის შენობაში მყოფი უფლებამოსილი პირების სააკრედიტაციო მოწმობები (ძალაშია პირადობის დამადასტურებელ დოკუმენტთან ერთად) და კენჭისყრის შენობაში დაშვების წინაპირობებთან შესაბამისობის მიზნით, პლანშეტის მეშვეობით გადაამოწმეთ მათი მონაცემები.

სქემა N2 - პლანშეტის მეშვეობით გაძევებულ პირთა ელექტრონულ მონაცემთა ბაზაში ინფორმაციის გადამონმების ეტაპების ილუსტრაცია




{ I }

პროგრამის მენიუში
აირჩიეთ ლილაკი
„უფლებამოსილი პირები“.



{ II }

საძიებო ველში შეიტანეთ
კენჭისყრის შენობაში
ყოფნის უფლების მქონე
პირის პირადი ნომერი და
დააჭირეთ ლილაკს „ძებნა“.

 $\{ \text{III} \}$

იმ შემთხვევაში, თუ პირი
შეყვანილი არ არის
გაძევებულ პირთა
ელექტრონულ მონაცემთა
ბაზაში, გააგრძელეთ
პროცესი - აირჩიეთ ღილაკი
„შესვლა“.



{ IV }

ლილაკზე „დიახ“ დაჭერით დაადასტურეთ კენჭისყრის შენობაში ყოფნის უფლების მქონე პირის კენჭისყრის შენობაში დაშვება.

შემომხმების შედეგების გათვალისწინებით, მიუთითეთ კომისიის მდივანს კენჭისყრის შენობაში ყოფნის უფლების მქონე პირების მონაცემები შეიტანოს ჩანაწერთა წიგნში. აღნიშნული პირები ჩანაწერთა წიგნში რეგისტრაციას ადასტურებენ ხელმოწერით.

ყურადღება! კენჭისყრის შენობაში დაშვების პირობებთან შეუსაბამობის შემთხვევაში, პირს მიუთითეთ დატოვოს კენჭისყრის შენობა.

-
- ☐ მიუთითეთ კომისიის მდივანს, კომისიის წევრებს შორის ფუნქციების განაწილების შედეგები, რომლებიც ასახულია აღნიშნული ფუნქციის გასანაწილებლად კენჭისყრის დღემდე ჩატარებული წილისყრის შედეგების აქტში, შეიტანოს ჩანაწერთა წიგნში.
-
- ☐ ყველას დასანახად შეამომხმეთ და გახსენით დალუქული პაკეტი, რომელშიც მოთავსებულია კომისიის სპეციალური ბეჭედი და ამომრჩეველთა რეგისტრატორების ბეჭდები.
-
- ☐ გამოაცხადეთ ამომრჩეველთა რაოდენობა ერთიანი სიის მიხედვით, ასევე, გადასატანი საარჩევნო ყუთის სიის (ასეთის არსებობისას) და სპეციალური სიის მიხედვით (ასეთის არსებობისას).
-
- ☐ გამოაცხადეთ მიღებული საარჩევნო ბიულეტენების რაოდენობა და ხმის მიცემისთვის განკუთვნილი სპეციალური კონვერტების რაოდენობა.
-
- ☐ კენჭისყრის შენობაში ყოფნის უფლების მქონე პირთა თანდასწრებით შეამომხმეთ და დარწმუნდით, რომ საარჩევნო ყუთები ცარიელია.
-
- ☐ ინდივიდუალური ნომრების მქონე ლუქებით დალუქეთ ძირითადი საარჩევნო ყუთი და გადასატანი საარჩევნო ყუთი (არსებობის შემთხვევაში).
-
- ☐ მიუთითეთ კომისიის მდივანს, ჩანაწერთა წიგნში ასახოს ძირითადი/გადასატანი საარჩევნო ყუთების დალუქვის ზუსტი დრო და ლუქების ინდივიდუალური ნომრები.

- ❑ თითოეულ რეგისტრატორს გადაეცით:
 - ❑ ანბანის მიხედვით დანაწილებული ამომრჩეველთა ერთიანი სია. ერთ-ერთ რეგისტრატორს აგრეთვე გადაეცით ამომრჩეველთა სპეციალური სია (ასეთის არსებობის შემთხვევაში);
 - ❑ საარჩევნო ბიულეტენის თითო ბლოკნოტი - (რეგისტრატორი ამოწმებს საარჩევნო ბიულეტენების რაოდენობის სიზუსტეს და თქვენთან ერთად ხელმოწერით ადასტურებს ბლოკნოტის თავფურცელზე არსებულ მიღება-ჩაბარების აქტში);
 - ❑ მარკირების სითხე;
 - ❑ რეგისტრატორის სპეციალური სახაზავი;
 - ❑ საწერი კალამი (ამომრჩეველთა სიაში ამომრჩევლის მიერ
 - ❑ ხელმოწერის დაფიქსირების მიზნით);
 - ❑ რეგისტრატორის სპეციალური ბეჭედი;
- ყურადღება!** თუ რეგისტრატორების სპეციალური ბეჭდები საჭირო რაოდენობაზე ნაკლები აღმოჩნდა, ან ბეჭედი დაზიანდა, შეამცირეთ რეგისტრატორების რაოდენობა.
- ❑ ერთ-ერთი რეგისტრატორის მაგიდაზე განათავსეთ გამადიდებელი ლინზა მცირემხედველი ამომრჩევლებისთვის, ასევე, უსინათლო ამომრჩევლებისთვის განკუთვნილი სპეციალური ჩარჩო-ფორმა (ასეთის არსებობის შემთხვევაში).

-
- ❑ თითოეულ სარეგისტრაციო მაგიდასთან, სარეგისტრაციო მაგიდაზე განლაგებული სიების შესაბამისად, გამოაკარით ამომრჩეველთა გვარების ანბანური და სიაში ამომრჩეველთა რიგითი ნომრების თანამიმდევრობა.


-
- ❑ ნაკადის მომწესრიგებელ კომისიის წევრს გადაეცით მარკირების შესამოწმებელი ულტრაიისფერი ფარანი.

-
- ❑ საარჩევნო ყუთისა და სპეციალური კონვერტების ზედამხედველ კომისიის წევრს გადაეცით სპეციალური კონვერტები. მიუთითეთ მას ადგილი დაიკავოს ძირითად საარჩევნო ყუთთან.

-
- ❑ კომისიის წევრებისათვის მასალების გადაცემის შემდეგ, კომისიის მდივანთან ერთად შეავსეთ საკონტროლო ფურცლების თვითკოპირებადი ფორმა (გარდა პირველი ამომრჩევლის შესახებ მონაცემებისა). საკონტროლო ფურცელს ხელს აწერს საუბნო საარჩევნო კომისიის ყველა დამსწრე წევრი.

- კენჭისყრის პროცესის დაწყება პლანშეტის მეშვეობით აცნობეთ ცესკოს.

სქემა N3 - კენჭისყრის დაწყების შესახებ ინფორმაციის გადაცემის პროცესის ილუსტრაცია.



{ I }

პროგრამის მენიუში
აირჩიეთ ღილაკი
„აქტივობა“.



{ II }

ღილაკზე „გაბესნა“ დაჭერით
დაადასტურეთ კენჭისყრის
დაწყება.

□ მას შემდეგ, რაც პირველი ამომრჩეველი გაივლის რეგისტრაციას, კომისიის მდივანი მის შესახებ მონაცემებს შეიტანს საკონტროლო ფურცლებში და პირველი ამომრჩეველი ხელს მოაწერს მას, საკონტროლო ფურცლის ერთი ეგზემპლარი ჩააგდეთ ძირითად საარჩევნო ყუთში, მეორე ეგზემპლარი – გადასატან საარჩევნო ყუთში (ასეთის არსებობის შემთხვევაში), ხოლო მესამე ეგზემპლარი შეინახეთ საარჩევნო ყუთებში არსებულ საკონტროლო ფურცლებთან შემდგომი შედარების მიზნით.

□ პირველი ამომრჩევლის მიერ რეგისტრაციის გავლის შემდეგ, საოლქო საარჩევნო კომისიას აცნობეთ საარჩევნო ყუთის/ყუთების დალუქვის და საკონტროლო ფურცლის ყუთში/ყუთებში მოთავსების შესახებ.

როგორ ვმართოთ კენჭისყრის პროცესში წარმოშობილი რისკები

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. ნაკადის მომწესრიგებელი ასეთ ამომრჩეველს განუმარტავს უარს კენჭისყრის ოთახში დაშვებაზე, ხოლო ამომრჩევლის შესახებ ინფორმაციას აცნობებს კომისიის მდივანს ჩანაწერთა წიგნში შეტანის მიზნით.
- ✓ თუ ამომრჩეველი რეგისტრატორს წარუდგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), რეგისტრატორი ამომრჩეველს განუმარტავს კენჭისყრაში მონაწილეობაზე უარის მიზეზს და მიუთითებს, რომ კენჭისყრაში მონაწილეობის უფლება მიეცემა, თუ წარადგენს მოქმედ პირადობის დამადასტურებელ დოკუმენტს.
- ✓ თუ რეგისტრატორმა ამომრჩევლის სახე და წარდგენილ დოკუმენტში ან ამომრჩეველთა სიაში არსებული ფოტოსურათი ერთმანეთთან შეუსაბამოდ მიიჩნია, აღნიშნული შეუსაბამობის თაობაზე მან უნდა მოგმართოთ თქვენ:
 - თუ დაადასტურებთ შეუსაბამობას, მიუთითეთ კომისიის მდივანს, ჩანაწერთა წიგნში გააკეთოს შესაბამისი ჩანაწერი (ამომრჩევლის სახელის, გვარის და ამომრჩეველთა სიაში მისი რიგითი ნომრის მითითებით). ეს ჩანაწერი კომისიის მდივანთან ერთად დაადასტურეთ ხელმოწერით.
 - თუ არ დაადასტურებთ შეუსაბამობას, რეგისტრატორს უფლება აქვს, ჩანაწერთა წიგნში ჩაწეროს თავისი განსაკუთრებული აზრი. კომისიის მდივანმა ჩანაწერთა წიგნში უნდა გააკეთოს შესაბამისი ჩანაწერი (ამომრჩევლის სახელის, გვარის და ამომრჩეველთა სიაში მისი რიგითი ნომრის მითითებით). ეს ჩანაწერი რეგისტრატორმა და კომისიის მდივანმა უნდა დაადასტურონ ხელმოწერებით.

ზემოაღნიშნულ შემთხვევებში კომისიის მდივანმა ჩანაწერთა წიგნს უნდა დაურთოს მისი ხელმოწერით დადასტურებული ამომრჩევლის მიერ წარდგენილი პირადობის დამადასტურებელი დოკუმენტის ფოტოასლი. პროცედურების შესრულების შემდეგ ამომრჩეველს მიეცით კენჭისყრაში მონაწილეობის უფლება.

- ✓ მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება და რეგისტრატორი მას განუმარტავს დატოვოს კენჭისყრის შენობა.
- ✓ თუ ამომრჩეველთა ერთიან ან სპეციალურ სიაში (ასეთის არსებობის შემთხვევაში) ამომრჩევლის შესახებ მონაცემები არ მოიძებნა, პლანშეტის გამოყენებით დაეხმარეთ ამომრჩეველს მოიძიოს ინფორმაცია იმ უბნის შესახებ, რომელშიც ის არის რეგისტრირებული.

სქემა N4 - პლანშეტში ჩატვირთული ცესკოს აპლიკაციის მეშვეობით ამომრჩევლის მონაცემების ძებნის პროცესის ილუსტრაცია.

პიროვნების ძებნა
00.01.04

პიროვნების ძებნა

01005036649

ჩამოთვლილი

1 2 3 -
4 5 6 ✓
7 8 9 ✕
, 0 . ✓

{ I }

ამომრჩეველთა სიაში პიროვნების ძებნისთვის ამომრჩევლის პირადი ნომერი შეიყვანეთ ველში „პირადი ნომერი“ და აირჩიეთ ღილაკი „ჩამოთვლილი“.

პიროვნების ძებნა
00.01.04

პიროვნების ძებნა

01010101010

ჩამოთვლილი

დეტალური ინფორმაცია

სახელი	გიორგი
გვარი	გიორგაძე
მისამართი	სამღერდითი, დავით დავითაძის ქუჩა N1
დაბ. თარიღი	01.01.1990
სქესი	მამრობითი
ოლქი	01.03

{ II }

ერთიან სიაში ამომრჩევლის რეგისტრაციის ფაქტის დადასტურების შემთხვევაში, ეკრანზე გამოვა ამომრჩევლის სარეგისტრაციო მონაცემები, მათ შორის, საარჩევნო უბნის ნომერი.


- ✓ თუ ამომრჩეველს არ შეუძლია დამოუკიდებლად შეავსოს საარჩევნო ბიულეტენი, მას უფლება აქვს, ფარული კენჭისყრის კაბინაში დასახმარებლად მიიწვიოს საარჩევნო უბანზე მყოფი ნებისმიერი პირი, გარდა:
 - ა) საარჩევნო კომისიის წევრისა;
 - ბ) კანდიდატისა;
 - გ) საარჩევნო სუბიექტის წარმომადგენლისა;
 - დ) დამკვირვებლისა;
 - ე) პრესისა და მასობრივი ინფორმაციის სხვა საშუალებების წარმომადგენლისა.
- ✓ თუ ამომრჩეველს გაუფუჭდა საარჩევნო ბიულეტენი, მისი თანდასწრებით, გაფუჭებული საარჩევნო ბიულეტენი დაკეცეთ იმგვარად, რომ შეუძლებელი იყოს საარჩევნო სუბიექტების დანახვა, გადაკეცილი საარჩევნო ბიულეტენი დაამაგრეთ ლითონის შემკვრელით, ჩამოაჭერით კუთხე, დააწერეთ „გაფუჭებულია“ და ხელი მოაწერეთ. გაფუჭებული საარჩევნო ბიულეტენი შეინახეთ ცალკე. დაავალეთ რეგისტრატორს ამომრჩეველს შეუცვალოს გაფუჭებული საარჩევნო ბიულეტენი ახლით.
- ✓ თუ კენჭისყრის შენობაში მყოფი პირების მხრიდან ვლინდება შემთხვევები, როგორიცაა: კენჭისყრის შენობაში წესრიგის დარღვევა; კომისიის საქმიანობაში ჩარევა; ამომრჩეველთა ნების თავისუფალ გამოვლენაზე გავლენა; აგიტაცია; კენჭისყრის ოთახში ამომრჩევლის გადაადგილების ფიზიკური შეფერხება; ამომრჩევლისთვის პირადობის დამადასტურებელი დოკუმენტის გამორთმევა/ჩვენების მოთხოვნა/ფოტოვიდეოგადაღება ან სხვაგვარი დამუშავება; ამომრჩეველთა სამაგიდო სიაში არსებული ამომრჩევლის მონაცემების და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება - უნდა მოახდინოთ მყისიერი რეაგირება კანონმდებლობის შესაბამისად. უფლება გაქვთ, საჭიროებისამებრ, კომისიის წინაშე დააყენოთ კენჭისყრის შენობიდან დამრღვევის გაძევების საკითხი. დამრღვევის კენჭისყრის შენობიდან გაძევების შესახებ ინფორმაცია მიაწოდეთ ცესკოს.

თუ დამრღვევი პირი ნებაყოფლობით არ ასრულებს კომისიის მიერ მიღებულ გადაწყვეტილებას გაძევების შესახებ, თქვენი მოთხოვნით შეიძლება გამოცხადებულ იქნენ პოლიციის მუშაკები კომისიის გადაწყვეტილების აღსასრულებლად.

ყურადღება!


გაძევებულ პირს ეკრძალება კენჭისყრის დღეს ნებისმიერ საარჩევნო უბანში/კენჭისყრის შენობაში შესვლა/ყოფნა, გარდა საარჩევნო უბანზე ხმის მიცემის შემთხვევისა. კენჭისყრის შენობიდან გაძევებულ პირთა შესახებ ინფორმაციის გადამოწმების უზრუნველსაყოფად, საქართველოს საარჩევნო ადმინისტრაცია აწარმოებს გაძევებულ პირთა ელექტრონულ მონაცემთა ბაზას.

სქემა N5 - დამრღვევის კენჭისყრის შენობიდან გაძევების შესახებ ინფორმაციის ცესკოსთვის გადაგზავნის პროცესის ილუსტრაცია



{ I }

პროგრამის მენიუში
აირჩიეთ ღილაკი
„უფლებამოსილი პირები“.





{ II }

აირჩიეთ მენიუ „უბანზე
მყოფი პირები“.

{ III } - კომისიის
გადაწყვეტილებით კენჭისყრის
შენობიდან გაძევებული პირის
მონაცემების გასწვრივ
დააჭირეთ ღილაკს „გაძევება“.



{ IV } - გაძევებულ პირს
პროგრამა მიანიჭებს
სტატუსს „გაძევებული“.



{ V } - ინფორმაცია
ავტომატურად აისახება
გაძევებულ პირთა
ელექტრონულ მონაცემთა
ბაზაში.

03

როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს

- ❑ გადასატანი საარჩევნო ყუთის მეშვეობით კენჭისყრა იწყება 09:00 საათიდან. გადასატანი საარჩევნო ყუთის მეშვეობით კენჭისყრის ჩატარებაზე პასუხისმგებელ კომისიის წევრებს გადაეცით:
 - ❑ დალუქული გადასატანი საარჩევნო ყუთი;
 - ❑ გადასატანი საარჩევნო ყუთის სია, კომისიისთვის განკუთვნილი ვერსია;
 - ❑ ერთ-ერთი რეგისტრატორის მიერ ხელმოწერილი და ბეჭედ-დასმული საჭირო რაოდენობის საარჩევნო ბიულეტენები;
 - ❑ სპეციალური კონვერტები გადასატანი საარჩევნო ყუთის სიაში ამომრჩეველთა რაოდენობის შესაბამისად;
 - ❑ ლითონის შემკვრელი (გამოიყენება საარჩევნო ბიულეტენის გაფუჭების შემთხვევაში ხმის ფარულობის უზრუნველსაყოფად);
 - ❑ საკანცელარიო მაკრატელი (გამოიყენება საარჩევნო ბიულეტენის გაფუჭების შემთხვევაში საარჩევნო ბიულეტენზე კუთხის ჩამოსაჭრელად);
 - ❑ მარკირების შესამოწმებელი ულტრაიისფერი ფარანი;
 - ❑ მარკირების სითხე;
 - ❑ საწერი კალამი (გადასატანი საარჩევნო ყუთის სიაში ამომრჩევლის მიერ ხელმოწერის დაფიქსირებისა და ბიულეტენის შევსების მიზნებისთვის);
 - ❑ გადასატანი საარჩევნო ყუთის ქრილის ლუქი.

- გადასატანი საარჩევნო ყუთის მეშვეობით ხმის მიცემისას ავტო-მანქანის გამოყენების შემთხვევაში, ავტომანქანაში გამოყავით ადგილი კენჭისყრის შენობაში ყოფნის უფლების მქონე პირ-თაგან წილისყრით გამოვლენილი 2 მეთვალყურისათვის (ასეთის არსებობისას).

გადასატანი საარჩევნო ყუთის მეშვეობით ხმის მიცემა სრულ-დება არაუგვიანეს 19:00 საათისა, (კენჭისყრა დამთავრებულად ითვლება 19:00 საათამდე ნებისმიერ დროს, თუ კენჭისყრაში მონაწილეობა მიიღო გადასატანი საარჩევნო ყუთის სიაში შეყვანილმა ყველა ამომრჩეველმა), გადასატანი საარჩევნო ყუთი საარჩევნო უბანზე უნდა დაბრუნდეს არაუგვიანეს 20:00 საათისა.

-
- გადასატანი საარჩევნო ყუთის საარჩევნო უბანში დაბრუნე-ბისთანავე, მიუთითეთ კომისიის მდივანს, შეამოწმოს გადასა-ტანი საარჩევნო ყუთის წამლები კომისიის წევრების მიერ მობრუ-ნებული გამოყენებული/გაფუჭებული საარჩევნო ბიულეტენების რაოდენობის სისწორე. უზუსტობის აღმოჩენის შემთხ-ვევაში გადასატანი ყუთის თანმხლებმა კომისიის წევრებმა უნდა დაწერონ ახსნა-განმარტება მიზეზის მითითებით.

ახსნა-განმარტებაში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდე-ნობის დადგენისა და კენჭისყრის შედეგების შემაჯამებელი ოქმის შედგენის მიზნებისთვის.

-
- გამოუყენებელ საარჩევნო ბიულეტენებს ჩამოაჭერით კუთხე, დააწერეთ გაფუჭებულია და ხელი მოაწერეთ.

რისკების მართვა:

- ✓ თუ გადასატანი საარჩევნო ყუთის ლუქის მთლიანობა დაირღვა, გადასატანი ყუთის წამლებმა კომისიის წევრებმა დაუყოვნებლივ უნდა გაცნობონ ამის შესახებ და ფაქტთან დაკავშირებით შეად-გინონ ახსნა-განმარტება მიზეზის მითითებით, ხელი მოაწერონ თანმხლებ პირებთან ერთად.

- ✓ თუ გადასატანი საარჩევნო ყუთი საარჩევნო უბანში დაუღუქავ მდგომარეობაში დაბრუნდა, გადასატანი საარჩევნო ყუთი და მასში არსებული საარჩევნო ბიულეტენები დაღუქეთ და საუბნო საარჩევნო კომისიის განკარგულებასთან ერთად დაუყოვნებლივ გადაეცით ზემდგომ საოლქო საარჩევნო კომისიას.
- ✓ თუ გადასატანი საარჩევნო ყუთის გამოყენებით ჩატარებული კენჭისყრის პროცედურა საჭიროებს საქართველოს საარჩევნო კანონმდებლობასთან შესაბამისობის საკითხის დამატებით შემოწმებას, გადასატანი საარჩევნო ყუთი დაღუქეთ და საუბნო საარჩევნო კომისიის განკარგულებასთან ერთად დაუყოვნებლივ გადაეცით ზემდგომ საოლქო საარჩევნო კომისიას.

04

კენჭისყრის პროცესის მიმდინარეობისას როგორ და რა პერიოდულობით აღვრიცხოთ კენჭისყრაში/არჩევნებში მონაწილე ამომრჩეველთა რაოდენობა (ამომრჩეველთა აქტივობა)

- კენჭისყრის პროცესის მიმდინარეობისას, კენჭისყრაში მონაწილე ამომრჩეველთა რაოდენობის (ამომრჩეველთა აქტივობა) დადგენა უნდა მოხდეს 10:00, 12:00, 15:00, 17:00 საათზე. ამ მიზნით, მიუთითეთ რეგისტრატორებს, კენჭისყრის პროცესისთვის ხელის შეუშლელად, საუბნო საარჩევნო კომისიისთვის განკუთვნილ ამომრჩეველთა სამაგიდე სიებში, მათ შორის, გადასატანი საარჩევნო ყუთის სიაში, გადაითვალონ ამომრჩეველთა ხელმოწერების რაოდენობა (მათ მიერ დაწერილ ახსნა-განმარტებებში აღნიშნული მონაცემების გათვალისწინებით). შესაბამის საათებზე მიღებული მონაცემები პლანშეტით გადაეცით ცესკოს.

მიუთითეთ მდივანს, 12:00 და 17:00 საათზე დათვლილი მონაცემები ასახოს ჩანაწერთა წიგნში და სადემონსტრაციო ოქმში.

ყურადღება!


არჩევნებში მონაწილე ამომრჩეველთა დათვლილი რაოდენობის ცესკოსთვის გადაცემამდე, უნდა გადაამოწმოთ მონაცემთა სისწორე. ამ მიზნით, მიუთითეთ რეგისტრატორებს, რომ ამომრჩეველთა სიებში ხელმოწერების რაოდენობის გარდა, გადათვალონ მათ მიერ გაცემული საარჩევნო ბიულეტენების რაოდენობა (გაფუჭებული საარჩევნო ბიულეტენების რაოდენობის ჩათვლით).

გაცემული საარჩევნო ბიულეტენების რაოდენობის დასადგენად, რეგისტრატორები მიღებული საარჩევნო ბიულეტენების რაოდენობას აკლებენ მათთან დარჩენილი საარჩევნო ბიულეტენების რაოდენობას.

რეგისტრატორებისგან მიღებული მონაცემები ასახეთ ცხრილში (სარეკომენდაციო ფორმა იხ. დანართში N1). რეგისტრატორებისგან მიღებული მონაცემების საფუძველზე, არჩევნებში მონაწილე ამომრჩეველთა დათვლილი რაოდენობის სისწორე შეამოწმეთ შემდეგნაირად: რეგისტრატორების მიერ გაცემული საარჩევნო ბიულეტენების ჯამურ რაოდენობას გამოაკელით გაფუჭებული საარჩევნო ბიულეტენების ჯამური რაოდენობა. მიღებული შედეგი ტოლი უნდა იყოს ამომრჩეველთა ხელმოწერების ჯამური რაოდენობის.


თუ მონაცემებს შორის სხვაობა გამოვლინდა, რეგისტრატორმა დაუყოვნებლივ უნდა დაწეროს ახსნა-განმარტება (მასში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემატამბელი ოქმის შედგენის მიზნებისთვის).

სქემა N6 - კენჭისყრაში/არჩევნებში მონაწილე ამომრჩეველთა რაოდენობის (აქტივობის) შესახებ ინფორმაციის ცესკოსთვის პლანშეტით გადაგზავნის პროცესის ილუსტრაცია.




{ I }

პროგრამის მენიუში
დააჭირეთ ღილაკს
„აქტივობა“.




{ II }

აირჩიეთ შესაბამისი დროის
მაჩვენებელი აქტიური ველი.



{ III }

გრაფაში შეიტანეთ შესაბამისი პერიოდისთვის დადგენილი კენჭისყრაში/არჩევნებში მონაწილე ამომრჩეველთა რაოდენობა და აირჩიეთ ლილაკი „გაგზავნა“.



{ IV }

გაგზავნილი მონაცემი აისახება შესაბამისი პერიოდის აქტივობის გრაფაში.

05

როგორ მოვემზადოთ კენჭისყრის შედეგების შეჯამების პროცესისთვის

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ საარჩევნო უბნის დახურვა;
- ✓ საარჩევნო უბნის მოწყობა ხმის დათვლის პროცედურისთვის;
- ✓ წილისყრით მთვლელების გამოვლენა;
- ✓ ხმის დათვლის პროცესში დამკვირვებლებისგან გამოვლენილი მეთვალყურეების, საარჩევნო სუბიექტების წარმომადგენლების ჩართულობის უზრუნველყოფა;
- ✓ მთვლელების მიერ ძირითადი/გადასატანი საარჩევნო ყუთების გახსნამდე შესაბამისი საარჩევნო დოკუმენტაციის დალუქვა;
- ✓ ძირითადი/გადასატანი საარჩევნო ყუთების გახსნა;
- ✓ მთვლელების მიერ საარჩევნო ბიულეტენების დახარისხება, დათვლა და დალუქვა.

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების განხორციელებისთვის იხელმძღვანელოთ ქვემოთ მოცემული დეტალური აღწერით.

საარჩევნო უბნის დახურვიდან კენჭისყრის შედეგების შემოწმებადი ოქმის შედგენად პერიოდში ჩასატარებელი ძირითადი აქტივობების დეტალური აღწერა

- კენჭისყრის პროცედურა სრულდება და კენჭისყრის შენობა იკეტება 20:00 საათზე. ამ დროისთვის რიგში მდგომ ამომრჩევლებს შეუძლიათ ხმის მიცემა. კომისიის ერთ-ერთი წევრს დაავალეთ აღრიცხოს რიგში მდგომ ამომრჩეველთა გვარები, სახელები და გაცნობით მათი რაოდენობა (კომისიის მდივანს რაოდენობა შეაქვს ჩანაწერთა წიგნში).


როგორც კი ბოლო ამომრჩეველი მისცემს ხმას, დალუქეთ ძირითადი ყუთის ქრილი და კენჭისყრა დასრულებულად გამოაცხადეთ.

-
- მიუთითეთ კომისიის მდივანს ჩანაწერთა წიგნში შეიტანოს ხმების დათვლის დროს კენჭისყრის შენობაში მყოფი კომისიის წევრების, ასევე, კენჭისყრის შენობაში ყოფნის უფლების მქონე სხვა პირების მონაცემები.

ხმების დათვლის დროს კენჭისყრის შენობაში ყოფნის უფლების მქონე სხვა პირების მონაცემები ასევე ფიქსირდება პლანშეტში ჩატვირთულ ცესკოს აპლიკაციაში.


გახსოვდეთ! კენჭისყრის შენობის დაკეტვის შემდეგ კენჭისყრის შენობაში შესვლისა და კენჭისყრის შენობის დატოვების უფლება აქვთ კენჭისყრის შენობაში ყოფნის უფლების მქონე პირებს.

სქემა N7 - ხმების დათვლის დროს კენჭისყრის შენობაში ყოფნის უფლების მქონე სხვა პირების მონაცემების აპლიკაციაში ასახვის პროცესის ილუსტრაცია.



{ I }

დააჭირეთ ღილაკს
„უფლებამოსილი პირები“.



{ II }

დააჭირეთ ღილაკს „უბანზე
მყოფი პირები“.

უფლებამოსილი პირები
00.01.04

← პაასეა მყოფი პირები

ძებნა (სახელი, გვარი, პ/ნ, დამნიშნავი)

ველა (0) დამნიშნავი (2) გათვალისწინებული (1)

პირადი ნომერი	ტაპი	შედეგი	დამნიშნავი
11010101011	აფეთქებადი და მკვლელობის საფრთხე	19:06	დამნიშნავი
11010101021	მუდმივად დაზარალებული	19:02	დამნიშნავი
11010101041	მუდმივად დაზარალებული	14:30	დამნიშნავი

{ III }

ხმების დათვლის დროს კენჭისყრის შენობაში მყოფი პირის მონაცემების გასწვრივ მონიშნეთ ღილაკი „დამთვლელი“.

☐ დამთვლელი

უფლებამოსილი პირები
00.01.04

← პაასეა მყოფი პირები

ძებნა (სახელი, გვარი, პ/ნ, დამნიშნავი)

ველა (0) დამნიშნავი (2) გათვალისწინებული (1)

პირადი ნომერი	ტაპი	შედეგი	დამნიშნავი
11010101011	აფეთქებადი და მკვლელობის საფრთხე	19:06	დამნიშნავი
11010101021	მუდმივად დაზარალებული	19:02	დამნიშნავი
11010101041	მუდმივად დაზარალებული	14:30	დამნიშნავი

დამთვლელი

გთხოვთ მონიშნოთ რომელ რომელმაც ხმების დათვლაზე უფრო პირადი? ☐ დამთვლელი

{ IV }

პროცესის დასასრულებლად დააჭირეთ ღილაკს „დიახ“.

უფლებამოსილი პირები
00.01.04

საქმის რეგისტრაცია

← პასპორტის რეგისტრაცია

ძებნა (სახელი, გვარი, პ.ნ., დამნიშნავი)

ყველა (3) დამნიშნავი (2) გაქვეყნებული (1)

რომანოშვი ☒ დამთვლული

პირადი ნომერი	ტარი	შესვლა
11010101011	აფილირებული დამნიშნავი	19:06

დამნიშნავი: აქტივობის დასრულების საჭიროება

დოლო დოლო ☐ დამთვლული

პირადი ნომერი	ტარი	შესვლა
11010101021	შედიო წარმომადგენლები	19:02

დამნიშნავი: მისი გაქვეყნებული დამთვლული საჭიროების ტელეფონი

სიკოლოზ ნიკოლოზი ☐ დამთვლული

პირადი ნომერი	ტარი	შესვლა
11010101041	მუდმივი წარმომადგენლები	14:30

დამნიშნავი: მისი ფირმა 6

{ V }

ხმების დათვლის დროს კენჭისყრის შენობაში მყოფი პირის მონაცემების გასწვრივ გააქტიურდება სტატუსი „დამთვლული“.

- კენჭისყრის პროცესის დასრულების შემდეგ **არჩევნებში** მონაწილე ამომრჩეველთა საბოლოო რაოდენობის დადგენის მიზნით, მიუთითეთ რეგისტრატორებს, გადაითვალონ ამომრჩეველთა სამაგიდე სიებში ამომრჩეველთა ხელმოწერების რაოდენობა (მათ მიერ დაწერილ ახსნა-განმარტებებში აღნიშნული მონაცემების გათვალისწინებით).


რეგისტრატორებისგან მიღებული მონაცემები ასახეთ ცხრილში (სარეკომენდაციო ფორმა იხ. დანართში N1). რეგისტრატორების მიერ დათვლილ რაოდენობას დაუმატეთ გადასატანი საარჩევნო ყუთის სიაში (ასეთის არსებობისას) შეყვანილი ამომრჩეველების ხელმოწერების ჯამი.

არჩევნებში მონაწილე ამომრჩეველთა საბოლოო რაოდენობის შესახებ მიღებული მონაცემი პლანშეტით გადაეცით ცესკოს.

ყურადღება! მონაცემის ცესკოსთვის გადაცემამდე, რეგისტრატორებისგან მიღებული მონაცემების საფუძველზე, არჩევნებში მონაწილე ამომრჩეველთა დათვლილი რაოდენობის სისწორე შეამოწმეთ შემდეგნაირად: რეგისტრატორების მიერ გაცემული საარჩევნო ბიულეტენების ჯამურ რაოდენობას გამოაკელით გაფუჭებული საარჩევნო ბიულეტენების ჯამური რაოდენობა. მიღებული შედეგი ტოლი უნდა იყოს ამომრჩეველთა ხელმოწერების ჯამური რაოდენობის. თუ მონაცემებს შორის სხვაობა გამოვლინდა, რეგისტრატორმა დაუყოვნებლივ უნდა დაწეროს


ახსნა-განმარტება (მასში ასახული მონაცემები, გაითვალისწინება კენჭისყრის შედეგების შემაჯამებელი ოქმის შედგენის მიზნებისთვის).

სქემა N8 - კენჭისყრაში/არჩევნებში მონაწილე ამომრჩეველთა საბოლოო რაოდენობის (აქტივობის) შესახებ ინფორმაციის ცესკოს-თვის პლანშეტით გადაგზავნის პროცესის ილუსტრაცია.



{ I }

პროგრამის მენიუში
დააჭირეთ ღილაკს
„აქტივობა“.



{ II }

აირჩიეთ შესაბამისი
დროის მაჩვენებელი
აქტიური ველი.

აქტივობის რაოდენობა

172

შეძახე

გაგზავნა

{ III }

გრაფაში შეიტანეთ
კენჭისყრაში/ არჩევნებში
მონაწილე ამომრჩეველთა
საერთო რაოდენობა და
აირჩიეთ ღილაკი
„გაგზავნა“.

უბნის გახსნა

გაგზავნა

10:00	12
12:00	20
15:00	72
17:00	120
20:00	172

გაგზავნა

172

{ IV }

გაგზავნილი მონაცემი
აისახება შესაბამისი
პერიოდის აქტივობის
გრაფაში.

- ხმის დათვლის პროცედურის დაწყების მიზნით, ჩაატარეთ წილისყრა ოთხი მთვლელის გამოსავლენად.

- ჩაატარეთ წილისყრა საარჩევნო უბანზე მყოფი საარჩევნო სუბიექტების წარმომადგენლებისგან არაუმეტეს 2 წარმომადგენლის გამოსავლენად, რომლებიც მთვლელებთან ერთად მონაწილეობენ ნამდვილი ან/და ბათილი საარჩევნო ბიულეტენების დათვლის პროცესში.

წილისყრაში არ მონაწილეობენ იმ საარჩევნო სუბიექტების წარმომადგენლები, რომელთა მიერ დანიშნული კომისიის წევრებიც არიან წილისყრით გამოვლენილი მთვლელები.

- დამკვირვებელთა შორის ჩაატარეთ წილისყრა 2 მეთვალყურის გამოსავლენად იმ შემთხვევაში, თუ დამკვირვებლები თავიანთი შემადგენლობიდან ურთიერთშეთანხმებით ვერ შეარჩევნებენ საარჩევნო ბიულეტენების დათვლის პროცესის მეთვალყურე პირებს.

- მოაწყვეთ უბანი ხმების დასათვლელად. მთვლელების მაგიდასთან მიიტანეთ:

- ✓ ამომრჩეველთა ერთიანი სია;
- ✓ სპეციალური სია (ასეთის არსებობის შემთხვევაში);
- ✓ გადასატანი საარჩევნო ყუთის სია (ასეთის არსებობის შემთხვევაში);
- ✓ რეგისტრატორებთან არსებული გამოუყენებელი საარჩევნო ბიულეტენები;
- ✓ გაფუჭებული საარჩევნო ბიულეტენები;
- ✓ რეგისტრატორების სპეციალური ბეჭდები;
- ✓ ძირითადი და გადასატანი საარჩევნო ყუთები.

- კენჭისყრაში მონაწილე ამომრჩეველთა საბოლოო რაოდენობის (ამომრჩეველთა აქტივობა) დადგენის მიზნით, მიუთითეთ მთვლელებს, გადაითვალონ კენჭისყრაში მონაწილე ამომრჩეველთა ხელმოწერების რაოდენობა ყველა სახის სიაში (რეგისტრატორის/გადასატანი საარჩევნო ყუთის წამლები კომისიის წევრის

- ❑ დაწერილ ახსნა-განმარტებაში ასახული მონაცემების გათვალისწინებით, ასეთის არსებობისას). მიუთითეთ მდივანს, მონაცემი ასახოს სადემონსტრაციო ოქმში და ჩანაწერთა წიგნში.

-
- ❑ მიუთითეთ კომისიის მდივანს, დალუქვის მიზნით, ცალ-ცალკე პაკეტებში მოათავსოს:

- ✓ ამომრჩეველთა ერთიანი სია;
- ✓ სპეციალური სია (ასეთის არსებობის შემთხვევაში);
- ✓ გადასატანი საარჩევნო ყუთის სია (ასეთის არსებობის შემთხვევაში);
- ✓ გაფუჭებული საარჩევნო ბიულეტენები;
- ✓ რეგისტრატორებთან არსებული გამოუყენებელი საარჩევნო ბიულეტენები (პაკეტში მოთავსებამდე კომისიის მდივანი აღნიშნულ საარჩევნო ბიულეტენებს აჭრის კუთხეს);
- ✓ რეგისტრატორების სპეციალური ბეჭდები.

-
- ❑ დალუქული დოკუმენტაციის დალუქვის ზოლზე ხელი მოაწერეთ მთვლელებთან ერთად.

-
- ❑ თავდაპირველად გახსენით გადასატანი საარჩევნო ყუთი. კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით შეამოწმეთ გადასატანი საარჩევნო ყუთის ლუქის მთლიანობა და გახსენით ის.

ყურადღება!

- ✓ თუ საარჩევნო ყუთის ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ აცნობეთ საოლქო საარჩევნო კომისიას). წინააღმდეგ შემთხვევაში საარჩევნო ყუთი დალუქეთ და საუბნო საარჩევნო კომისიის განკარგულებასთან ერთად დაუყოვნებლივ გადაეცით საოლქო საარჩევნო კომისიას.

- ✓ თუ გადასატან საარჩევნო ყუთში საკონტროლო ფურცელი არ აღმოჩნდა, ან საკონტროლო ფურცლებს შორის განსხვავება გამოვლინდა, ანდა გადასატან საარჩევნო ყუთში ყველა საარჩევნო ბიულეტენი სპეციალური კონვერტების გარეშე მოთავსებული აღმოჩნდა, ყველა სპეციალური კონვერტი და საარჩევნო ბიულეტენი შეკარით პაკეტად, დააწურეთ „ბათილია“. დოკუმენტაცია საარჩევნო უბანში კენჭისყრისა და ხმის დათვლის პროცედურების დასრულების შემდეგ გადაეცით საოლქო საარჩევნო კომისიას.

იმ შემთხვევაში, თუ გადასატანი საარჩევნო ყუთის ლუქის მთლიანობა დარღვეული არ არის და ასევე, გადასატანი საარჩევნო ყუთის გახსნის პროცესში არ გამოვლინდა ზემოთ აღწერილი სხვა პროცედურული დარღვევა, მიუთითეთ მთვლელებს, დროებით დააბრუნონ სპეციალური კონვერტები გადასატან საარჩევნო ყუთში.

-
- გახსენით ძირითადი საარჩევნო ყუთი. კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით შეამოწმეთ ძირითადი საარჩევნო ყუთის ლუქის მთლიანობა და გახსენით ის.

ურადღება!

- ✓ თუ საარჩევნო ყუთის შემოწმებისას ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ ეცნობება საოლქო საარჩევნო კომისიას). წინააღმდეგ შემთხვევაში საარჩევნო ყუთი ილუქება და კომისიის განკარგულებით გადაეცემა საოლქო საარჩევნო კომისიას.
- ✓ თუ საკონტროლო ფურცლებს შორის განსხვავება გამოვლინდა ან ძირითად საარჩევნო ყუთში საკონტროლო ფურცელი არ აღმოჩნდა, ყველა სპეციალური კონვერტი და საარჩევნო ბიულეტენი შეფუთეთ და დალუქეთ, შეადგინეთ სათანადო ოქმი და დაუყოვნებლივ გადაეცით საოლქო საარჩევნო კომისიას.

იმ შემთხვევაში, თუ ძირითადი საარჩევნო ყუთის ლუქის მთლიანობა დარღვეული არ არის და ასევე, ძირითადი საარჩევნო ყუთის გახსნის პროცესში არ გამოვლინდა ზემოთ აღწერილი სხვა პროცედურული დარღვევა, მიუთითეთ მთვლელებს ერთმანეთში შეურიონ ძირითადი და გადასატანი საარჩევნო ყუთებიდან გადმოყრილი სპეციალური კონვერტები.

-
- საარჩევნო ბიულეტენების დათვლის პროცესის დაწყებამდე. დალუქეთ საკონტროლო ფურცლები. დალუქულ პაკეტზე მიუთითეთ საარჩევნო უბნის დასახელება, ნომერი, დოკუმენტების სახეობა და მოაწერეთ ხელი.

-
- მიუთითეთ მთვლელებს დაიწყონ საარჩევნო ბიულეტენების დახარისხება/დათვლის პროცესი.

ყურადღება!

საარჩევნო ბიულეტენების დახარისხების და დათვლის მიზნით, პირველი მთვლეელი სპეციალური კონვერტიდან იღებს საარჩევნო ბიულეტენს და აცხადებს, ვისთვისაა მიცემული ხმა. პირველი მთვლეელი საარჩევნო ბიულეტენს საარჩევნო სუბიექტების მიხედვით გადასცემს მეორე და მესამე მთვლელს. მთვლელები საარჩევნო ბიულეტენებს აწყობენ ცალ-ცალკე, თითოეული საარჩევნო სუბიექტისთვის მიცემული ხმების შესაბამისად.

პირველი მთვლეელი ბათილ საარჩევნო ბიულეტენებს და საეჭვოდ მიჩნეულ საარჩევნო ბიულეტენებს (ასეთის არსებობის შემთხვევაში) გადასცემს მეოთხე მთვლელს, იგი ცალკე აწყობს მთვლელების მიერ ბათილად მიჩნეულ საარჩევნო ბიულეტენებს და ცალკე - იმ საარჩევნო ბიულეტენებს, რომელთა ნამდვილობაც საეჭვოდ იქნა მიჩნეული.

საარჩევნო ბიულეტენების დახარისხების დასრულების შემდეგ კომისიურად განიხილეთ და კენჭისყრით გადაწყვიტეთ საეჭვოდ მიჩნეული საარჩევნო ბიულეტენების ნამდვილობის საკითხი. გადაწყვეტილება მიიღება ხმათა უმრავლესობით. ხმების თანაბრობის შემთხვევაში გადამწყვეტია თქვენი ხმა. ნამდვილად მიჩნეული საარჩევნო ბიულეტენი დადეთ ნამდვილი საარჩევნო ბიულეტენების დასტაში (საარჩევნო სუბიექტისათვის მიცემული ხმის მიხედვით), ხოლო ბათილად მიჩნეული საარჩევნო ბიულეტენი - ბათილად მიჩნეული საარჩევნო ბიულეტენების დასტაში.

□ საარჩევნო ბიულეტენების დახარისხების შემდეგ, მიუთითეთ მთვლელებს დაითვალონ:

- ✓ ბათილად მიჩნეული საარჩევნო ბიულეტენები;
 - ✓ თითოეული საარჩევნო სუბიექტისათვის მიცემული ხმები.
-

□ დათვლილი მონაცემების მიხედვით გამოაცხადეთ თითოეული საარჩევნო სუბიექტის მიერ მიღებული ხმებისა და ბათილი საარჩევნო ბიულეტენების რაოდენობა.

მონაცემთა სისწორის კონტროლის მიზნით, კომისიის მდივანთან ერთად შეამოწმეთ დათვლილი მონაცემების სისწორე: თუ საარჩევნო სუბიექტების მიერ მიღებული ხმების და ბათილი საარჩევნო ბიულეტენების რაოდენობის ჯამი მეტია კენჭისყრაში/არჩევნებში მონაწილე ამომრჩეველთა რაოდენობაზე, მიუთითეთ მთვლელებს ხელახლა გადაითვალონ მონაცემები.

□ მიუთითეთ კომისიის მდივანს, დათვლილი მონაცემები (საარჩევნო სუბიექტების მიერ მიღებული ხმები და ბათილი საარჩევნო ბიულეტენების რაოდენობა) შეიტანოს კენჭისყრის შედეგების სადემონსტრაციო ოქმში და ჩანაწერთა წიგნში.

□ საარჩევნო ბიულეტენების დათვლის შემდეგ, მიუთითეთ მთვლელებს, ცალ-ცალკე პაკეტებად დალუქონ:

- ✓ ბათილი საარჩევნო ბიულეტენები;
- ✓ სხვა საარჩევნო უბნისთვის განკუთვნილი ბათილი საარჩევნო ბიულეტენები, ასეთის არსებობის შემთხვევაში (სხვა საარჩევნო უბნისათვის განკუთვნილი ბათილი საარჩევნო ბიულეტენების რაოდენობა აღინიშნება მხოლოდ ჩანაწერთა წიგნში);
- ✓ საარჩევნო სუბიექტების კუთვნილი საარჩევნო ბიულეტენების დასტები.

ყურადღება!

თითოეულ კონვერტში/პაკეტში ილუქება მხოლოდ ერთი სახის საარჩევნო დოკუმენტაცია.

თითოეული საარჩევნო სუბიექტის კუთვნილი საარჩევნო ბიულეტენების პაკეტზე უნდა დაეწეროს საოლქო და საუბნო საარჩევნო კომისიების დასახელება და ნომერი, სუბიექტის მონაცემები (დასახელება) და მის მიერ მიღებული ხმების რაოდენობა, აგრეთვე ამ პაკეტში ჩადებული საარჩევნო ბიულეტენების რაოდენობა.

ბათილი საარჩევნო ბიულეტენების პაკეტზე უნდა დაეწეროს საოლქო და საუბნო საარჩევნო კომისიების დასახელება და ნომერი, საარჩევნო ბიულეტენების სახე (ბათილი) და რაოდენობა.

-
- ❑ დალუქულ პაკეტებს ხელი მოაწერეთ მთვლელებთან ერთად.

რა უნდა გავითვალისწინოთ კენჭისყრის შედეგების შემაჯამებელი ოქმთან მიმართებით

საარჩევნო უბნის კენჭისყრის შედეგები დასტურდება საარჩევნო კოდექსით დადგენილი წესის შესაბამისად შედგენილი საუბნო საარჩევნო კომისიის კენჭისყრის შედეგების შემაჯამებელი ოქმით.


- კომისიის მდივანი, თქვენთან შეთანხმებით ავსებს კენჭისყრის შედეგების შემაჯამებელ ოქმს. კომისიის ყველა წევრი ვალდებულია ხელი მოაწეროს კენჭისყრის შედეგების შემაჯამებელ ოქმს, რითაც დასტურდება მათი ყოფნა საარჩევნო უბანზე. საუბნო საარჩევნო კომისიის მიერ შედგენილი კენჭისყრის შედეგების შემაჯამებელი ოქმი იურიდიული ძალის მქონეა, თუ მას ხელი მოაწერა საუბნო საარჩევნო კომისიის წევრთა უმრავლესობამ.

კენჭისყრის შედეგების შემაჯამებელი ოქმის შედგენასთან დაკავშირებით დეტალური რეგულაცია იხილეთ საუბნო საარჩევნო კომისიის წევრთა სახელმძღვანელო ინსტრუქციაში, ქვეთავი „კენჭისყრის შედეგების შემაჯამებელი ოქმის შედგენა“.

- კენჭისყრის შედეგების შემაჯამებელი ოქმის ფოტოასლი დაუყოვნებლივ, პლანშეტის გამოყენებით გადაუგზავნეთ ცესკოს.


შემაჯამებელი ოქმის ფოტოასლთან ერთად, არსებობის შემთხვევაში ცესკოს გადაუგზავნეთ კენჭისყრის შედეგების შემაჯამებელი ოქმის შესწორების ოქმის, განსხვავებული აზრის დოკუმენტის, კომისიის მდივნის/კომისიის წევრთა წერილობითი ახსნა-განმარტებების ფოტოასლები - ასეთი დოკუმენტების არსებობის შემთხვევაში.

სქემა N9 - კუმეჯამებული ოქმის ფოტოასლის ცესკოსთვის გადაგზავნის პროცესის ეტაპების ილუსტრაცია



{ I }

პროგრამის მენიუში
აირჩიეთ ღილაკი „ოქმი“.



{ II }

აირჩიეთ შემაჯამებული
ოქმის სახეობა - ღილაკი
„ადგილობრივი
მაჟორიტარული“.

The diagram illustrates the process of capturing a photo. At the top, a dashed box contains a form with the title 'აფილიტაციის - მატრიცის რეგისტრაცია' (Registration of Affiliates - Matrix Registration). Below the title is a label 'ოფისი' (Office) and two input fields: 'ნაშლა' (Name) and 'გაფრავა' (Address). A green camera icon is positioned to the left of the 'ნაშლა' field. An arrow points from this icon to a larger, circular camera icon below it, indicating the action of taking a photo.

 $\{ \text{III} \}$

ოქმის ფოტოასლის
გადაღების მიზნით
აირჩიეთ ფოტოაპარატის
ამსახველი დილაკი.

[illegible] $\{ IV \}$

პლანშეტის ფოტოკამერის
ობიექტივში სრულად უნდა
ჩანდეს შემატამბელი
ოქმი. აირჩიეთ ღილაკი
„გადაღება“.

{ V }

შემაჯამებელი ოქმის
ფოტოასლის გაგზავნის
მიზნით აირჩიეთ ლილაკი
„გაგზავნა“.

ყურადღება! იმ შემთხვევაში, თუ:

- ✓ საარჩევნო უბანზე დაფიქსირდა პლანშეტის ტექნიკური ხარვეზი (პრობლემა შეექმნა ცესკოს აპლიკაციას, რომლის მეშვეობითაც იგზავნება საუბნო საარჩევნო კომისიის კენჭისყრის შედეგების შემაჯამებელი ოქმი) და ვერ მოხერხდა ხარვეზის გამოსწორება, კენჭისყრის შედეგების შემაჯამებელი ოქმი საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარჩევნო კომისიას, რომელიც უზრუნველყოფს მის ატვირთვას ელექტრონული მართვის სისტემაში.
- ✓ საარჩევნო უბანზე არ არის მობილური კავშირგაბმულობისა და ინტერნეტის უწყვეტი კავშირი, ასეთ შემთხვევაში, კენჭისყრის შედეგების შემაჯამებელი ოქმის ასლი ცესკოს შეიძლება მიეწოდოს კენჭისყრის შენობის გარე პერიმეტრიდან, ან კენჭისყრის შედეგების შემაჯამებელი ოქმი საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარჩევნო კომისიას, რომელიც უზრუნველყოფს მის ატვირთვას ელექტრონული მართვის სისტემაში.

- კენჭისყრის შედეგების შემაჯამებელი ოქმის დამოწმებული ფოტოასლი საჯარო გაცნობისთვის გამოაკარიტ კენჭისყრის შენობაში.
-

- კენჭისყრის შედეგების შემაჯამებელი ოქმის და შესწორების ოქმის (არსებობის შემთხვევაში) ფოტოასლების გაცემისას (მოთხოვნის შემთხვევაში), ასლებს კომისიის მდივანთან ერთად მოაწერეთ ხელი და დაამოწმეთ კომისიის სპეციალური ბეჭდით.

კენჭისყრის შედეგების შემაჯამებელ ოქმთან/შესწორების ოქმთან დაკავშირებული კომისიის წევრთა ახსნა-განმარტებები (ასეთის არსებობის შემთხვევაში), მოთხოვნის საფუძველზე გაიცემა საოლქო საარჩევნო კომისიის მიერ, მოთხოვნიდან 2 დღის ვადაში.

- შემაჯამებელი ოქმის ასლის გაცემის შემდეგ მიუთითეთ კომისიის მდივანს, დახუროს სარეგისტრაციო ჟურნალი და ჩანაწერთა წიგნი. ჩანაწერი „დახურულია“ კომისიის მდივანთან ერთად დაადასტურეთ ხელმოწერით და დაამოწმეთ კომისიის სპეციალური ბეჭდით.
-

- საოლქო საარჩევნო კომისიისათვის საარჩევნო დოკუმენტაციის, პლანშეტის და სხვა ინვენტარის გადაბარების მიზნით დალუქეთ ჩანაწერთა წიგნი და მასთან ერთად განცხადებები/საჩივრები (ასეთის არსებობისას).
-

- ჩანაწერთა წიგნის დალუქულ პაკეტს კომისიის მდივანთან ერთად მოაწერეთ ხელი.
-

- დალუქეთ კომისიის სპეციალური ბეჭედი. კომისიის სპეციალური ბეჭდის დალუქულ პაკეტს ხელს აწერს კომისიის ყველა დამსწრე წევრი.

როგორ უზრუნველყოთ საარჩევნო დოკუმენტაციის, პლანშეტის და სხვა ინვენტარის გადაბარება საოლქო საარჩევნო კომისიისთვის

საუბნო საარჩევნო კომისიის თავმჯდომარემ/თავმჯდომარის მოადგილემ ან/და კომისიის მდივანმა საოლქო საარჩევნო კომისიაში უნდა მიიტანოს:

- კენჭისყრის შედეგების შემატამბელი ოქმი, შესწორების ოქმი (ასეთის არსებობის შემთხვევაში) და განსხვავებული აზრის ამსახველი დოკუმენტი (ასეთის არსებობის შემთხვევაში);
- სარეგისტრაციო ჟურნალი და მასთან ერთად საუბნო საარჩევნო კომისიის წევრთა/კომისიის მდივნის წერილობითი ახსნა-განმარტებები (ასეთის არსებობის შემთხვევაში);
- ჩანაწერთა წიგნის დალუქული პაკეტი.

გაითვალისწინეთ! თითოეული სახის საარჩევნო დოკუმენტაციის გადაცემისას დგება შესაბამისი მიღება-ჩაბარების აქტი/აქტები, რომელსაც ხელს აწერენ უფლებამოსილი პირები.

საუბნო საარჩევნო კომისიის თავმჯდომარემ/თავმჯდომარის მოადგილემ სხვა დანარჩენ დალუქულ დოკუმენტაციასთან ერთად, მიღება-ჩაბარების აქტის საფუძველზე, საოლქო საარჩევნო კომისიის სანყოფში საოლქო საარჩევნო კომისიის უფლებამოსილ პირს უნდა გადასცეს პლანშეტი.

გაითვალისწინეთ! მნიშვნელოვანია პლანშეტის და დალუქული საარჩევნო დოკუმენტაციის უსაფრთხო ტრანსპორტირება.

დანართი N1

რეგისტრატორებისგან მიღებული მონაცემები

გადაამონმეთ მონაცემები		რეგისტრატორი					ცესკოსთვის გადასაგზავნი მონაცემი
		I	II	III	IV	V	
10:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა- განმარტებების მიხედვით						
12:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა- განმარტებების მიხედვით						

15:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა-განმარტებების მიხედვით						
17:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა-განმარტებების მიხედვით						

20:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა-განმარტებების მიხედვით						
საბოლოო							

